



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. I. cap. 12. & seqq. an à Baptismo diversum?

[urn:nbn:de:hbz:466:1-72506](https://nbn-resolving.de/urn:nbn:de:hbz:466:1-72506)

num in responso ad objectionem *Chemnitii* insuper etiam confundere causam Sacra-
mentorum finalis cum materiali, dum veram similitudinis inter externa Baptismi &
cæterorum Sacramentorum Symbola rationem à fine sumi debere contendit, ad analogiā Sacramentalē respiciens. Quamvis enim Evangelici eam non omnino tollant,
sed sano sensu facile aliquem habere patientur locum, non tamen sequitur, id quod
Bellarmine hic vult, *veram similitudinis inter externa Sacramentorum Symbola rationem*
à fine sumendam esse, quia hic primariò ad voluntatem Institutoris Domini respicien-
dum est, qui sicut tanquam agens libertimum absque hac analogiā Sacramentis ex-
terna quædā signa & Symbola potuisse destinare, ita dum Pœnitentia, quæ in verâ cor-
dis contritione & fiduciali Promissionum Evangelicarum apprehensione consistit, nul-
lum tale Signum vel Symbolum adtribuit, eā etiam sub Elogio Pœnitentia habendā,
quam Bellarmine in Controversia hujus statu formando sub nomine *virtutis non exi-
guæ commendat, eam mentis conversionem ad Deum vocans, necessariam semper ad recon-
ciliationem*, non est, ut à finis consideratione ejusque respectu nobis metiplus sine dígito
Dei signa vel Symbola formemus vel fingamus, eisque rationem causæ materialis ad-
scribamus, & hinc Sacramentorum numerum præter debitum augeamus, cùm in hoc
negotio Sacramentali nobis non nisi ex nütu & voluntate Ejus, cuius solum est Sacra-
menta instituere, materiamque & formam eorum præscribere, sit vivendum; & quod
ad hominem disputantibus hic negligendum non est, de ipsa hujus Sacramenti, ut vo-
lunt, Pœnitentia materia & forma, id est, Signo visibili extero ac ejus adlicatione,
nondum inter iplos Sacramentices Papæ omnino conveniat, non parum inter se
differentes, Confessio *Gerhardi* Catholicâ hunc dissensum satis copiosè Lectori stu-
dio ob oculos ponente. Nunc quartò loper adhuc est notandum, Bellarmine in
responsione ad objectum Augustini de necessitate Elementi in actione Sacramentali
testimonium, ejus sensum justo amplius restringere, & ad solum Baptismi Sacramen-
tum applicare, quod de Sacramentis in genere dictum est. Præter ea enim, quæ suprà
de Verbo Sacramenti dicta sunt, ex quibus manifestissimè patet, ad Verbum Sacramenti
id est, signum audibile, requiri insuper extero aliquod Elementum, id est, signum vi-
sibile, illud in aures, ut ita dicam vel scribam, hoc vero in oculos incurrens; illud præ pri-
mis hic notandum, si hac Augustini verba, accedit verbum ad Elementum, & sit sacramen-
tum, juxta sententiam Bellarmini deberint intelligi & explicari, quod post *Gerhardum* etiam ^{in Anti-}
Hilsemannus noster observavit, idem esset, ac si Augustinus scripsisset, *Accedit verbum* ^{Hag. Dis.}
ad verbum, & sit Sacramentum. Ut non prolixè urgeam, quamvis ibi in specie de Sacra-
mento Baptismi egerit Augustinus, hac tamen verba de Sacramentis in genere dicta
esse, ut potè quorū respectu Sanctus Doctoꝝ alibi Sacramenta esse dixit *visibilia in-
visibilis Gratiae Signa vel signacula*, de quo itidem suprà in Quæstione de *Sacramentorum*
fine sigillari fuit dictum.

CAPVT DVODECIMVM & seqq.

de Quæstione,

*An Sacramentum Pœnitentia à Sacramento Baptismi
sit di-versum?*

Videri posset hac Quæstio inter Evangelicos & Papistas minime controversa, nisi
eam occasione Canonis Tridentini fecisset de novo controversam Bellarmine, ad-
cusans Lutherum tanquam inventorem novi dogmati, *Baptismum dici posse ac esse Sacra-
mentum Pœnitentia, atque lapsos post Baptismum reconciliari per Baptismum memoriam repe-
titum*. Actum est de hac Controversia in tractatione de *Efecta Baptismi*, & often-
sum, Doctores Papæ, sicut ex una parte in excessu peccantes Baptismo ad-
scribunt vim iusto majorem, quasi in eo omnis culpa & poena verè & omnimo-
dè tollatur, ita ex altera parte peccantes in defectu eidem adscribere vim iusto
minorem, dum delere in eo docent tantum peccata Baptismum adteceden-
tia, nullo ad consequentia habito respectu. Nunc breviter vindicanda est
Veritas Evangelica, ac Lutherus ab eo liberandus errore, quem Tridentinus Ca-
non, & ejus duœ Bellarmine ei per insignem injuriam impegit, quasi Baptismum
& Pœnitentiam pro uno eodemque habuerit, interque se diverſa turpiter confuderit.
Id autem melius iterum fieri non potest, quam si ipsum audiamus Lutherum, optimū lusæ

D d d

mentis

Tom. III. Controversia IV.

590

mentis interpretēm, qui in libro de *Captivitate Babylonica*, ubi de Baptismi Sacramento
 Tom. II. egit, sequentia Lectori observanda proposuit: *Vbi virtutem Baptismi in parvulis non po-*
 Jen. Lat. *tuit Sathan extinguere, prævaluit tamen, ut in omnibus adultis extingueret, ut jam ferè nemo*
 Pap. 270. *sit, qui se baptizatum recordetur, nedum glorietur, tot alii repertis viis remittendorum pec-*
catorum & in Cælum veniendi. Præbus occasiōnē his opinionib⁹ verbum illud periculō-
sum D. Hieronymi, sive male possum, sive male intellect⁹, quo Pœnitentiam appellat secun-
dām post naufragium tabulam, quæsi Baptismus non sit penitentia. Hinc enim, ubi in pecca-
tum lapsi fuerunt, de primā nave seu tabulā velut amissā desperantes, secundā tantum in-
cipiunt nisi & fidere, id est, Pœnitentia. Hinc nata sunt votorum, religionum, operum,
Satisfactionum, peregrinationum, Indulgentiarum, sectarum infinita illa onera, & de iis maria
illa librorum, questionum, opinionum, Traditionum humanarum, quas totus Mundus jam non
capit, ut incomparabiliter pejus habeat Ecclesiam Dei e tyrannis, quam unquam habuit Syna-
 p. 271. b. *gogā aut ullam nationē sub Calo. Et post aliqua: Vides, quam periculosum, imò falsum sit, opini-*
ri, Pœnitent. esse secundā tabulam post naufragiū, & quam pernicioſus sit error, putare perpe-
catum excidisse vim Baptismi, & navem hanc esse illam. Mane illa una, solida & in uitanda-
vis, nec unquam dissolvitur in ulla tabulas, in quā omnes vebūtur, qui ad portū salutis vebūn-
tur, quæ est veritas Dei in Sacramentis promittens. Hoc sanè sit, ut multi ē nave in Mare profili-
ant temerē & perēcant. His sunt, qui desirāt promissionis fide in peccata sese precipitant. Verū
navis ipsi permanet, & transit integracur suso. Quod si qua gratia ad navem reverti potest,
nulla tabula, sed solida nave ipsa feretur ad vitam. Hic est, qui ad promissionem Dei stabilem
& manente revertitur per Fidem. Et tandem in fine totius operis: Propriea vocari Sa-
cramenta vīsum est, quæ annexis promissa sunt Signis. Cetera quia Signis non sunt allegata,
nuda sunt promissa. Quo sit, ut si rigide velimus loqui, duo tantum sunt in Ecclesia Dei Sa-
cramenta, Baptismus & Panis, cùm in his solis & institutum Divinitus signum, & promissionem
remissionis peccatorum habeamus. Nam Pœnitentia Sacramentum, quod bis duobus accensui,
Signo visibili & Divinitus instituto caret, & aliud non esse dixi, quam viam ac redditum ad
Baptismum. Hæc omnia ibidem Megalander, quorum aliquam partem Bellarminus
etiam exscriptis, exque iis mentem per omnia sanam & orthodoxam fatis percipere po-
tuisset, nisi peregrinam & absurdam ad fingere malueret, Lutherum insuper allicius in-
constantia arguens, quod à principio libri tria, in fine autem, ob defectum Signi visibilis
à Deo instituti in Pœnitentiā, duo tantum statuerit Sacra menta, quam tamen incon-
stantiam ipse Lutherus amoliri studuit per apertissimam distinctionem inter Sacra-
menta propriè & latiori significatione sic dicta, de quā distinctione etiam suprà in loco di-
ctum est ex Augustino. Nunc quod præsentem, de quā hic in specie sermo est,
Controversiam, etiam si Lutherus in primā verborum parte à Bellarmino etiam de-
scripta Baptismum dixerit esse Pœnitentiam, eo nimis sensu, quo antehac vidimus
Baptismum ab Augustino etiam fuisse dictum Fidei Sacramentum; sicut tamen male
quis ex hâc Augustini doctrinâ, imò contra Augustini mentem concluderet, ipsam
Fidem quoque dici debere Sacramentum, & Fidem atque Baptismum esse rem,
unam eandemque; ita non meliori consequentiā Bellarminus ex his Lutheri verbis
argumentatur, Eum pro uno eodemque Sacramento Baptismum & Pœnitentiam
habuisse, quæ tamē duo Lutherus apertissimè distinxit, Pœnitentiam esse dicens
viam ac redditum ad Baptismum, & per Fidem, præcipuam Pœnitentiā partem, ad
promissionem DEI in Baptismi Sacramento exhibitam reverti scribens, quo nihil
manifestius ad præsens Institutum dici aut scribi potuit, ut Lutherus ob' id, tan-
quam novum errorem, ut Bellarminus monet, à Synodo Tridentinā non-nisi di-
rum anathema reportarit, Chemnitio mysterium Iniquitatis ad illud caput & Cano-
 Exam. „tibus revelante: Si hoc tantum dicere voluissent Patres Tridentini, Pœnitentiam
 Trid. Cōc. „aliquid aliud esse, quam Baptismum, & eos, qui post Baptismum sunt lapsi, si conver-
 Tom. II. „taatur, non repetito abluedos Baptismo, sed per Pœnitentiam Deo esse reconciliati.
 P.m. 213. „lianos, non sane tam prolixo opus fuisset capitulo, nec tam operoso anathemate.
 „Sed longè aliud est, quod ipsis prolixum hoc expressit capitulo. Sentiunt enim ac
 „docent, per peccata, quæ post Baptismum committuntur, ipsam virtutem, effica-
„ciam & gratiam Fœderis illius, quod in Baptismo Deus nobiscum init, prorsus amit-
„ti & irritum fieri, ita ut in verâ Pœnitentiā fides ad gratiam Baptismi nullo unquam
tempore & modo possit reverti, sed jam circumspicienda sit alia tabula, nostra videli-
cet.

„cet operationis in Contritione, confessione & Satisfactione, cuius virtute ex peccatorum undis enatemus, & ad Salutis portum vehamur. Quia igitur hoc modo efficiacia & usus Baptismi tantum ad unicum illud momentum, quando baptizamur, restringitur, & alia ratio reconciliationis cum Deo & remissionis peccatorum proprie-
tatem, diversa ab ea, quæ Fidei in gratitudo Evangelii promissione propter Christi meriti, tum obfertur & in Baptismo obsignatur; nostri fallant hanc opinionem reprehendunt, & ex Verbo Dei ostenderunt, nos per Baptismum in participationem promissio-
nis Evangelii & in communionem meritorum Christi fœdere perpetuo ita adsumi,
ut in eo vel perveremus, vel si per peccata inde exciderimus, ut per Pœnitentiam
fide ad Fœdus in Baptismo nobis obsignatum redeamus. Ut ita Pœnitentia non sit
nova ratio promerenda remissionis peccatorum per opera nostra, sed redditus tantum
ad gratuitam promissionem remissionis peccatorum propter Satisfactionem Christi
Mediatoris, quæ in Baptismo donata nobis est & obsignata, ita ut ad eam habeamus
reditum post quemcunque lapsum, non septies, sed septuagesies septies. Præmitti hæc conf. Huc.
ex Luthero & Chemnitio, ad quorum utrumque ipse Bellarminus provocavit, necessa-
rio debuerunt, ut statu Controversiæ cognito de Bellarmino methodo agendi eò melius pap. 714.
Lectori constet, ac manifestum fiat, quid de Quæstione hæc statuendum sit. Et quem & seqq.
ad modum ex his patet, falsò imputari Luthero & Ejus discipulis, quasi Baptismum &
Pœnitentiam pro uno eodemque Sacramento haberent, libris Symbolicis & Institu-
tionibus Catecheticis contrarium planè testantibus, dum de Baptismo & Pœnitentiâ
sub diversis agitur titulis & distinctis inter se capitulis; ita ne Bellarminus tamen hic
etiam aliquid obtinuisse videatur, non præter rem erit, quæ ad suæ opinionis veritatem
contra Sententiam Evangelicorum, ut ut minus sincerè propositam, ex Augustino præ-
primis adduxit, sub breve Examen vocare, atque ostendere, augustum Doctorem hic
etiam à partibus Evangelicorum stare, testem videlicet Evangelicæ Veritatis per-
petuum.

Dupliciter autem ad suas partes Sanctum Patrem trahere conatur Bellarminus.
Primum ubi Tridentinæ Synodi Sententiam è Scriptura testimoniis demonstrare sat-
agit, inter quæ tertium numero & ordine ex autoritate Pauli Apostoli hoc est: *Impos- Ebr. 6.*
*sibile est, eos, qui semel sunt illuminati, gustaverunt etiam cœlestè Donum, & participes fa-
cti sunt spiritus Sancti, & prolapsi sunt, rursus renovari ad Pœnitentiam, rursus crucifigentes
sibi met ipsi Filium DEI & ostentui habentes.* Ad hunc locum ita scribit Bellarminus: *Non
negat Apostolus posse lapsos post Baptismum Deo per Ecclesiam reconciliari, ut false Novatianos
senisse nostri etiam adversarii concedunt; quomodo enim Paulus negaret, lapsos post Bapti-
smum reconciliari posse, qui Corinthium post Baptismum gravissimo scelere inquinatum recon-
ciliari permisit; Sed negat, renovari posse per Baptismum, sic enim hunc locum intelligunt
Chryostomus, Theodoretus, Oecumenius, Theophylactus, Ambrosius. Idem apertissi-
mè etiam docet Augustinus, in Expositione Epitolæ ad Romanos inchoatâ prope finem,
ubi notat eos, qui post Baptismum labuntur, curari posse per Pœnitentiam, non autem
renovari, quod proprium sit Baptismi. Idem habet etiam Author libri de verâ & falsâ Pœ-
nitentiâ, qui habetur in quarto operum Augustini Tomo. Deinde loci circumstantiae vix cap. III.
patiuntur accipi aliter verba Apostoli. Nam initio capitis monet Apostolus Ebr. a eos, ut non re-
spiciant iterum ad primordia Baptismi, & Fidei, & Pœnitentia, quæ Baptismum præcedit, est
que velut fundamentum edifici spiritualis, inquiens: Quapropter intermittentes inchoa-
tionis Christi sermonem, ad perfectionem feramur, non rursus jacientes fundamentum
Pœnitentiæ ab operibus mortuis, & Fidei in Deum, Baptismatum doctrinæ, impositionis
quoq; manuum, ac resurrectionis mortuorum & Judicij extremi. *De quibus Pauli verbis* de Fide &
loquens Augustinus inquit: *Hæc omnia pertinere ad initia Neophytorum, satis aperteq; oper. c. 8.*
Scriptura testatur. Reddit autem in sequentibus verbis rationem Apostolus, cur non
oporteat ad illa respicere primordia, cum ait, *Impossibile est enim &c. ac si apertius di-
ceret, quia non contingit, nisi semel, ea renovatio, quæ habetur per Baptismum.* Describi
vero Baptismum per Illuminationem, dubitari non potest: inde enim omnes Veterum, ac
maxime Greci Patres, baptizari dicunt illuminari, & Baptismum appellant Luminis
Sacramentum. Deinde, ubi Bellarminus ex traditione Veterum hanc Tridentinæ Sy-
nodi doctrinam contra Evangelicos demonstrare ulterius laboravit, tribus iterum
Augustini utsus est testimonis, ex quorum numero primum hoc est: *Si infans post Epist. ad
Baptismum propria incipiat habere peccata, illa non regeneratione auferuntur, sed Bonif. lib.
alii curatione sanantur.* Secundum: *Si factum est à Catechumeno homicidium, ult. Cœjug. II. de ad-**

Tomi III. Controversia IV.

592

Homil. 50 Baptismate abluitur, si à baptizato, Pœnitentiâ & reconciliatione sanatur. In tertio distingue-
 ex lib. 50 re dicit Augustinum tres Pœnitentiæ actiones, unam ante Baptismum, alteram quotidiana-
 Homil. nam atq; perpetuâ pro venialibus peccatis, pro quibus adsiduè dicimus ad Deum, dimittit
 nobis debita nostra &c. tertiam pro lethalibus peccatis, quæ post Baptismum commit-
 tuntur, ac de tercia ista sic loqui Augustinum dicit In hac Pœnitentiâ majorem in se quis-
 que exercere debet severitatem, ut à seipso judicatus non judicetur à Deo. Ad utrumque ex
 Augustini autoritate argumentum Bellarmini ut in gratiam Lectoris Studiosi aliquid
 dicatur, de Oraculo in primis Paulino notandum est, impertinenter illud à Bellarmino
 laudari, sive laudatissimorum quorundam ex recentioribus Interpretum, sive ipsius Bel-
 larmini, sive etiam Augustini de Eo Sententiam attendamus. Præmittere hic autem
 placet Guillaudi, Thœologi Seculo antecedente Parisiensis celeberrimi, ad hoc testimo-
 nium Apostoli collationem, præsenti Instituto aptissimam, ita sribentis : Hic locus à qui-
 busdam intelligitur de peccato ad mortem, seu de blasphemia in Spiritum Sanctum, quam non
 remittendam dixit Christus, neque in hoc seculo, neque in futuro. Quaris, quod ei illud
 peccatum seu blasphemia? Est, quando aperta Dei Veritas videtur, ita ut vietus sis apud temer-
 ipsum in iuô corde & conscientiâ, quod res ita habet, & aliter esse nequit, & tamen impie audes
 dicere & contra contendere, hoc non esse verum, non esse à Deo, esse perversum, esse à Diabolo;
 quo horrendâ blasphemâ non vereri gladium Domini contrahantem, quæstionib; im-
 purè liceat voluntariè contra Deum pugnare. Hec ex Marcii tertio capite vides, ubi mani-
 festum opus Dei contra Conscientiam tribuebant ipsi Beelzebub Scribæ & Pharisæi. Vnde pos-
 quam Evangelista scripsit verba Christi, Qui blasphemaverit in Spiritum S. non habebit
 remissionem in aeternum, addidit, quoniam dicebant, Spiritum immundum habet. Quod
 si Christus hec dixit de illis, qui impii erant, & Veritatem suscipere nolebant, sed manifestam,
 ita ut negari non posset, impugnabant; quid accusamus hunc Authorem nostrum, quod illos con-
 demnat, qui verbis non externis, aut externis solum Miraculis, sed intus in corde illuminati
 gustaverunt donum cœlestis, accepto Spiritu sancto, gustaveruntque bonum Dei Verbum ac vir-
 tutes & efficaciam Regni Dei, & tamen ab his omnibus retro labuntur, & blasphemant gratiam
 tanto Spiritus testimonio agitant, id quod infra capite decimo voluntariè vocat peccare? Im-
 possibile est certe, id est, valde difficile, hos renovari ad Pœnitentiam, quia penè à Deo deservi-
 tur. Etsi autem in proxime sequentibus statuat eruditissimus Collator, à Cyrillo & aliis
 Doctoribus Sacris, hunc locum de Baptismo intelligentibus, non est abeundum, non
 tamen priorem Sententiam abolevit, insinuans potius eomet ipso, utramque Senten-
 tiā & de blasphemâ in Spiritum Sanctum, & de Baptismo, id est, Pœnitentiâ & renovatione
 Baptismali sensum aliquando placuisse, sed attentius hanc admirandam Sententiam Apostoli
 considerant, priorem sensum minimè quidem reprobare, censere tamen, alium esse
 germanum & Apostolicâ Doctrinâ dignum, superiore quoque includentem, quem se-
 quentibus exhibet verbis : Apostolus hortatur Ebreos, qui debuerant exactius propter le-
 geru proficisse, & jam de pueritâ propter plenitudinem temporis exiisse, ut ad perfectionem per-
 ducentur, si modo Deus permisit. Contestatur antem ei, quod si illi, qui semel venerant
 ad Christum, & usque adeo proficerunt in Evangelio, ut de Veritate illuminati gustaverint
 illud Gratia & Charitatis Dei cœlestis donum, & per hoc participes facti sunt Spiritus Sancti,
 qui Deus est. & Charitas, cuius donum illud est quedam participatio, & gustaverunt
 jam bonum DEI Verbum, quod est promissio futurorum Bonorum, & virtutes sive po-
 tentias Seculi futuri, quoniam acceperunt hic arrham future Glorie in futuro Seculo
 manifestanda; si, inquam, tales postea fuerint prolapsi, id est, ab his donis de-
 ciderint, ita ut Fidem etiam amiserint, (sic hoc in loco prolapsionem intelligo,) impossi-
 ble est eos renovari ad Pœnitentiam, id est, redire talcm hominem ad prior-
 rem Satum ac dispositionem, in quo erat prius, & in quo invenitur homo rudi & no-
 rius, qui primordiis egit illius Sermonis, qui de respicientiâ tractat. Nam qui in hoc est sta-
 tu, docilis est Deo, & ad Pœnitentiam atque Fidem duci potest; at postquam inde ventus est
 in hoc dona Spiritus, & ab his donis jam ingressus homo in Christum relapsus autem & pre-
 varicator inventus in illo, non amplius in eum credit statum, in quo inveniebatur, quando nihil de

de Christo cognoverat. Quocirca simpliciter verum fit, impossibile esse, hunc hominem renovari ad Pœnitentiam, scilicet, ut perinde sit, ac si rudis & novus omnino esset, & ita docili Deo. Hæc Ille, in omnibus cum Sententiâ à Guillaudo recitata conveniens, hoc solum excepto, quod cum ad literam Catharinus cum Paulo talis Apostata & blasphematoris renovationem statuat impossibilem, in eâ hæc impossibilitas mutetur in difficultatem, quamvis summam & non facile superabilem. Ut ut autem neuter horum in explicatione Sententiæ de Baptismo, sive Pœnitentiâ Baptismali vel Baptismi repetitione expressam Augustini faciat mentionem, nisi quod Guillaudus præter Cyrillum ad alios etiam Doctores Sacros provocavit, Augustinum sine dubio simul intelligens: apertius tamen id indicavit Esthius, omnes Græcos Commendatores pro hac Sententiâ laudans, & Latinorum maximam partem, Ambrosium in primis & Augustinum, quam gravissimis quoque ex ipso contextu rationibus, & proprietate verborum Apostoli scripsit confirmari, non tamen sine aliquo dubio scrupulo, quem indicavit quidem, an vero etiam exemerit, Letoris esto judicium. Ita autem de eo: *Quorsum Apostolus tam sollicitè doceret Ebreos, non posse semel baptizatos iterum baptizari, cum nulla testetur Historia, aliquos fuisse Apostolorum tempore, qui Sacramentum Baptismi semel acceptum repeterent, aut repetendum esse docerent?* Deinde, nec facile cuiquam erat, hoc Sacramentum, sicut ab Ecclesiâ administrabatur, iterum fuscipere; non enim sic in promptu erat Baptisma Christianum, sicut sua Judæis Baptismata, quæ sibimet ipsis adhibebant, quoties immunditiâ contraxissent, sed solemnibus ceremoniis & statutis temporibus, nec nisi per Ecclesia ministros ea res agebatur. Quod ergo dicunt Patres, (*inter que eos Augustinus*) Apostolum hic loqui de Baptismo non repetendo, id non tam de Baptismi ceremonia, quam de ejus effectu convenientem intelligendum. Effectum dico, non charaterem, sed eum, qui peccando amittitur, id est, Gratiam regenerationis ac renovationis; non quod amissa semel gratia recuperari non possit, sed quia nullum Deus instituit remedium, quo amissa tam facile recuperetur Gratia, videlicet per modum regenerationis ac renovationis, quam fuerat per Baptismum adquisita. Hoc enim est, quod Apostolus docet, non ita deponi posse sarcinam peccatorum, si quis fuerit relapsus, sicut in Baptismo deponitur ab eo, qui nunquam habuit gratiam; quia pœnitens multum adhuc ea gravatur sarcina, duram lubeundo Satisfactionem, priusquam ad pleham & perfectam per venient reconciliationem. Hæc & plura, quæ Esthius ibi habet, q̄si ad illustrandam & confirmandam Augustini & aliorum Interpretum de Baptismo vel negata Baptismi iteratione Sententiam scriperit, juxta hypotheses nimirum, quæ à Bellarmino etiam hic attenduntur, non tamen ita satis ex omni parte potuerunt facere ipsi Esthio, ut non in posterioribus de hoc Pauli Oraculo meditationibus ad Catharini explicationem, à Guillaudo quoque exhibitam, inclinare fuerit visus, sequenti ex Schedis Ejus manuscriptis Additione testimonium perhibente: *Videndum est, an hic locus, & alter ex capite decimo, ex mente Apostoli pertineat ad eos propriæ, qui deserunt Ecclesiam & Fidem Christi; hoc enim procedit illo capite decimo:* Non deserentes collectionem nostram, sicut consuetudinis est quibusdam. Et videi potest hic sensus esse ad propositum, quia hoc dicit loco, Non rursus jacientes fundamentum &c. q. d. Si quis per Apostasiam amiserit fundamentum, Fidem Christianam in universum abjiciens, ille jam desperatus est, non debet de novo catechizari & renovari. Quamvis vero vocabulum *magister oblusus* non significet totaliter prolapsos, potest tamen de iis hoc loco verificari propter adpositas circumstantias, ex quibus omnino videtur non intelligi aliquis lapsus vulgaris in peccatum mortale, velut in Ebrietatem, fornicationem, detractionem. Et idem est judicium de loco capitis decimi, ubi similiter sunt circumstantiae multum exaggerantes. Probatio etiam illa, que hoc sequitur loco, Terra enim &c. hunc flagitare videtur sensum. Certè tam hic, quam capite decimo Apostolus peccatum Apostasiam valde adgravat, ne quis facile recessat à fraternitate. Ita Esthius dubiam mentem suam in hujus Oraculi sensu indagando significavit, quamvis in posterioribus, ut dixi, Meditationibus, quæ ex trito Eruditorum proverbio solent, imò & jure debent esse meliores & exactiores, & hinc etiam Veritati propiores, ad eam inclinans Sententiam, quæ si obtineat, (& cur obtinere non possit, nondum haec sufficenter est demonstratum:) Bellarminus nihil pro se hic obtinebit. Quin & quod ad Guillaudi verba jam fuit ostensum, si de Pœnitentia Baptismali locum haberet Explicatio, eomet ipso Sententia de Pœnitentiæ Sacramento, tanquam simul stare non potens, loco cedere deberet. Equidem, ut pro Bellarmini Sententia hoc addam, si ex mente Pauli agitur

Tomi III. Controversiæ IV.

594

de Pœnitentiâ Baptismali, videlicet, quod prolapsi, quos describit, non possint denuo renovari ad eam; videtur omnino sequi, aliam super adhuc esse Pœnitentiam, videlicet, quam dicunt Sacramentalem, à Baptismali distinctam. Sed quamvis aliquam in quibusdam circumstantiis concedamus hujus & illius Pœnitentiæ differentiam, non tamen sequitur, species esse diversas, neque ideo negari debet, Pœnitentiam laporum post Baptismum habere respectum & recursum ad illam Baptismi gratiam, cuius in luceptione hujus Sacramenti per Fidem, præcipuam salutaris Pœnitentiæ partem, facti fuerunt participes, eadē Fide promissam à Deo verè pœnitentibus gratiam merito Christi Mediatoris partam adprehendente, & per Sacramentum Eucharistia quod ob hanc causam non male Confirmationis Sacramentum dici potest, obsignante. Id nunc adhuc insuper subjungere placet, et si *Fromondus*, recens satis Pauli interpres, hanc Augustini & aliorum Sententiam sequatur in explicando hoc oraculo, *Esthio* quoque & *Riberam* inconstantiae sine causa aduersans, hinc pro necessitate Sacramentalis Pœnitentiæ cum Bellarmino antehac argumentantes, postea verò Sententiam mutantes, ut de *Esthio* inspecie est ostensum; *Franciscum Carriere* tamen, Minoritam Gallum, post omnes fere alios Interpretes, adeoque expensis antecedentium fundamentis & rationibus, statuisse nihilominus, planiorem præcā, quæ ex Græcis Patribus Chrysostomo & Damasceno in primis, ex Latinis autem Hieronymo, Ambrosio & *Augustino* placuisse scribitur, esse expositionem, quam habuisse Dionysium, Anshelnum, Lyranum, Aureolum, Hugonem, Titelmannum, Vasquezium, Riberam & alios recentiores monet, quæ dicitur, *Paulum loqui de Pœnitentiâ, nimirum non antecedente Baptismum, sed consequente, eamque dicere impossibilem, id est, valde difficultem, non quibusvis, sed prolapsi, & ex Thoma Sententiâ prorsus lapsi, id est, à Fide apostolis, qui post insignia (Divinæ cognitionis) Lumina & consolationes degustatas à Christo desciscunt.* Meum nunc iterum non est, diversas inter se & antiquorum & recentium Scriptura Interpretum Explications conciliare. Id tantum noto, mirum non sine causa videri posse, Bellarminum ad probandum, quam summis defendandam & dixit veritatem, fuisse ausum uti testimonio tam diversis Explicationibus exposito, & in cuius sensu ipsimet Doctores Papæ non contentiunt. Addo, quod ad præfens Institutum quam maxime pertinet, si ipsi etiam Doctribus Papæ ab *Augustini* Sententiâ, ad quam Bellarminus provocavit, licuit dilucidere, id etiam Doctribus Evangelicis bonâ cum augustissimi Patris veniâ inlicitum non esse, si debitâ id cum modestiâ & sine diminutâ Ejus autoritate fiat. Verum non opus est, ut eò perveniat, cum aliâ ratione possit ostendî, *Augustinum* in hujus etiam Oraculi explicatione, ut videbatur Bellarmino, Evangelicis contrarium non esse. Primum ex tribus testimoniosis, quæ Bellarminus exhibuit, suprà quoque in Controversiâ de Baptismi Effectu fuit propositum, hic omnino repetendum, ut de Sancti Doctoris mente emelius possit constare, Evangelicis, ut dixi, non oppositâ. Ita autem paulò ante finem inchoata Expositionis ad Romanos: *Eos, qui jam fuerint baptizati, melius curari dicimus per Pœnitentiâ, non renovari, quia renovatio est in Baptismo, ubi quidem operatur Pœnitentiâ, sed tanquam in fundamento. Manente itaque fundamento, recurari adficiuntur potest; si autem iterare quis voluerit fundatum, totum subvertat adficiuntur necesse est.* Notanter observat Augustinus, melius hominem curari, quam renovari per Pœnitentiâ dici, comet ipso indicans, non solum Baptismo adscribendam ita esse renovationem, ut non etiam pertinet ad Pœnitentiâ, toto vitæ cursu agendam & saepius repetendam, quod alibi claramè indicavit, suam de renovationis perpetuâ continuatione Sententiam sequentem lib. II. de bus verbis proponens: *Non ex qua hora quisque baptizatur, omnis vetus infirmus ejus absimilatur, sed renovatio incipit à remissione omnium peccatorum, & in quantum quisque spiritualia sapit, qui jam sapit, in tantum renovatur.* Et iterum ibidem: *In Baptismo, quamvis tota & plena sita peccatorum remissio, tamen si continuo tota & plena etiam hominis in æternam novitatem fieret mutatio, non dico & in corpore, quod certè manifestum est adhuc in veterem corruptionem atque in mortem tendere, in fine postea renovandum, quando vere tota novitas erit; sed excepto corpore, si in ipso animo, qui est homo interior, perfecta in Baptismo novitas fieret, non diceret Apostolus,* Et si exterior homo noster corruptitur, sed interior renovatur de die in diem. Profecto enim, qui de die in diem adhuc renovatur, nondum totus est renovatus; & in quantum nondum est renovatus, in tantum adhuc in vetustate est. Multa in his verbis notatu digna habet Augustinus contra Bellarminum, quæ tamen ob vitandam prolixitatem Letoris judicio debent commendari. Clarius adhuc in libro de verâ & falsâ Pœnitentiâ id exprimitur.

peccat.
merit.
cap. 7.

II. Cor. 4.

exprimitur, ad quem loco secundo sub Augustini nomine provocavit Bellarminus, ubi sequentia in rem præsentem leguntur verba: *Sunt, qui credunt, usq; ad Baptismum proficer Pœnitentiam, sed postea peccantibus cassam perseverare; gaudent enim singularitate, arrogantes ex hoc, quod non habent, jacantes se mundos esse, ut potè quasi nihil post Baptismum commiscerint, unde jure possint dolere.* H̄i sinistrè omnia intelligentes, vires ex autoritate Sanctorum sumentes, & sequentes Patrem mendacit, mendaciter exponunt, quod concordat veritati. Legant in Apostolo, quod intelligere nolunt. Et postquam Pauli verba adduxit: *Si superbia eos non excæsset, viderent, Apostolum non ita esse destructorem sui laboris atque sui gaudii.* Quos enim per Epistolas correxit, nisi qui post Baptismum ceciderant, & in peccato perseverabant? Gentiles enim visitabat corporali præsentia, & Rationibus & Miraculis eos confutans. Quomodo scriberet infidelibus, ipsi eidem multipliciter contradicentibus? Hunc lapidabant, virgis caedebant; & eis scriberet, ut se corrigerent? Cur autem infidelibus indicaret correctionem, si de salute corum desperaret? Quomodo scriberet, qui scienter & necessariò nihil omnino proficeret? Si non possent renovari per Pœnitentiam, cur prædicaret eam? Quælibet plura sequuntur, non addo, incurius etiam de methodo disputandi, quæ in his observatur verbis; id tantum noto, renovationem, quam Augustinus Baptismo tantum adscriptissime visus fuit Bellarmino, hic expressè etiam Pœnitentia adscribi, id quod in antecedente Testimonio uberiori fuit declaratum ut adeò, quæ sit per Baptismum renovatio, ab eâ, quæ per Pœnitentiam sit, non sit specie diversa, sed hæc potius sit illius continuatio, hæc ad illam, quasi ad fundamentum & radicem habente respectum. Sed & neq; tertius obest Augustini locus Evangelicis, quo contra eos utitur Bellarminus, ex libro de Fide & operibus desumptus, ubi Sanctus Pater institutâ com- cap. II. & paratione Baptismi cum exitu Israëlitarum ex Ægypto, & traductione eorum per mare feqq. rubrum, fecutaq; ab Ægyptiis liberatione, ex instituto egit de Quæstione, *Num baptizandus sit, qui impiam nolit mutare vitam, adstruens, Baptismum Fidei opera procedere debere, nullâ mentione facta Pœnitentia lapsorum post Baptismum, de quâ tamen hic præprimis controvertitur.* Et si Bellarminis hinc voluit probatum, aliam esse Pœnitentia rationem ante Baptismum, vel etiam in Baptismo, aliam verò post Baptismum, Evangelici non erunt adversarii, modò concedatur, quod & omnino concedendum est, utrobiq; esse vel fuisse respectum ad Baptismum, ibi quidem, quasi terminum ad quem, hic autem, quasi terminum à quo, unde renovatio repetenda venit & postmodum continuanda. Idem quoq; dici debet ad tria Augustini testimonia, quibus porrò Bellarminus ex traditione Veterum Ecclesiæ Doctorum contra Evangelicos, mani quamvis conatu militare studuit, quod ex eorum tenore jam patebit. Primum pleniori, quām à Bellarmino proponitur, textu sic habet: *Potest parvulus semel ex parentum carne generatus DEI Spiritu regenerari, ut & ex illis obligatio contracta solvatur; non potest autem semel DEI Spiritu regeneratus ex parentum carne regenerari, ut obligatio, que soluta est, iterum contrahatur.* Et ideo semel perceptam parvulus Christi gratiam non amittit, nisi propriâ impietate, si etatis accessu tam malus evaserit; tunc enim propria etiam habere incipit peccata, quæ non regeneratione auferantur, sed alia curatione sanentur. Verè h̄ic Augustinus docet, peccata post Baptismum commissa non regeneratione, videlicet nova & iterata, auferri, sed alia curatione, nimis rūm, ut ante dixit, renovatione per Pœnitentiam, quæ respectum ad renovationem in Baptismo inchoatam habeat, sanari, methodo non multum dissimili ab eâ, quam Medici in sanandis corporalibus morbis per recidivatum non semel recurrentibus observare solent, iis utentes remediis, quæ antehac utilia esse Experientia didicerunt, ut fortè mutatis Morbi circumstantiis addere vel demere quid soleant medicamentis, prout ægroti status id requirere videtur. Jam in secundo Augustini testimonio, cum dicitur, *homicidium à Catechumpeno perpetratum Baptismo ablui,* à baptizato autem Pœnitentia & reconciliatione sanari; nihil aliud significatur, quām quod Baptismi Sacramentum nullo planè modo iterandum sit, & quod Pœnitentia in baptizato sanetur, quod in non baptizato per ipsum Baptismi Sacramentum abluitur, ibi tamen itidem respectu ad Baptismum habito, ut potè vi cuius homo post Baptismū lapsus verè poenitens & DEO & Ecclesiæ, non primum conciliatur, sed iteratò & repetita vice reconciliatur, quod non sine fiduciâ Gratia in Baptismo collatæ readprehensione fieri, imò hanc Gratia restitucionem quasi ex fonte Baptismali fluere, omnino est & esse debet indubium. Quod tertium verò testimonium attinet, et si non planè omni careat suspicione de aliqua Augustino factâ suppositione, tamen nec illud quidquam infert, quod Bellarmini causam juvet, Evangelicorum cause autem noceat. Nam eo ipso, quo

Ddd 4

Augustinus,

Epist. 23.
ad Bonif.

Augustinus, vel quisquis illarum quinquaginta Homiliarum author est, pœnitentiam hominis in tres dividit actiones, quarum prima Baptismum antecedat, loquens videlicet de adulorum Baptismo, due posteriores autem sequuntur Baptismum, & vel propter quotidianas infirmitates, quibus Sancti etiam non carent, vel propter enormia contra expressam Decalogi literam flagitia suscipiantur, Pœnitentiam Baptismalem à Sacramentali, ut Bellarminus vult, tanquam specie diversam non distinguit, sed potius conjungit, vel ad maximum subordinat, unamque ab altera dependere, unam ad alteram habere respectum, unam quoq; ab alterâ vim & efficaciam accipere docet. Nisi enim Pœnitentia vel de quotidianis infirmitatibus, vel de enormibus flagitiis susceptra Gratia Baptismali niteretur, quâ homo fœderi Divino corporiq; Ecclesiastico fuit infertus, proq; membro Regni à Christo susceptus, ordinariè & extra summae necessitatis casum, quem Legi suæ DEUS rigorosè non adstrinxit, sine Baptismi Sacramento locum non habet, & neque DEO placere, neque etiam Ecclesiæ, ordinem à Christo præscriptū observanti, satis posset facere, quin & cum Baptismi Sacramento, nisi vera Fides ad Gratiam Baptismi respiciens adesset, Pœnitentia, quibuscumque etiam externis requiritur Contritionis, factæ Confessionis, susceptæ Satisfactionis operibus demonstrata, alium non ferret fructum, quam antehac Simon Magus tulit, à Philippo quidem baptizatus, à Petro autem ob cordis malitiam justè reprobatus & damnatus. Cætera huc pertinentia Augustini testimonia ex laudato capite de Baptismi effectu sunt omnino repetenda.

CAPVT DECIMVM NONVM ET VIGESIMVM,

D. E

Tribus Pœnitentia partibus,

Nimirum

Contritione, Confessione & Satisfactione in genere.

Prætermitti hic iterum debent Controversiae de partibus Sacramenti Pœnitentia essentialibus, cā præprimis questione, *An præter absolutionem aliquid aliud sit, quod ad Sacramentum hujus rationem atq; essentiam pertinere videatur?* Ut &, *An Contrito, Confesso & Satisfactione sint veræ partes Sacramentum hujus?* cùm ipse Bellarminus agnoverit, non hereticos solum, quos vocat, sed & Catholicos quosdam à communī recedere Sententia, in illa quidem Questione, Scotum, Occamum, Majorem, Almainum, alios, statuentes, solam Absolutionem Sacramenti hujus essentiam constitutre; in hac verò Durandum, docentem, solam Confessionem esse materialē sacramenti Pœnitentia partem, Contritionem verò esse dispositionem, & Satisfactionem esse fructum Pœnitentia, præprimis, quia in utriusque, & prioris quidem satis prolixâ tractatione nulla plane Augustini intercurrit mentio, neque etiam potuit intercurrere, dum hæ Questiones Augustini tempore non fuerunt controversæ; sed à Scholasticis demum Doctoribus motæ, à quorū Successoribus hodiēnū pro & contra, ultrò citrōq; ventilantur, in signum videlicet illius iactæ unionis, cuius gloriam Papai pro Veritatis documento sibi constanter, vel potius pertinaciter contra Evangelicos attribuere solent. Prætermisis, inquam, his Questionibus controversis, ut potè quæ partim Evangelicis non propriæ, sed ex ipsa Bellarmini confessione cum Doctoribus quibusdam Catholicis seu Papæs sunt communes, partim neque his cum illis communes, sed his, id est, Papæs propriæ sunt, & quod præterim ex Instituti ratione venit observandum, nulla in eis Augustini intercedit authoritas, hic quam-maxime attendenda; eam nunc adgredimur Controversiam, quamvis brevissimè quoad generalia tractandam, (specialioribus ad sequentis libri Examen reservatis) quæ Evangelicis propria est cum Papæs, de partibus nimirum, ut Bellarminus loquitur, Sacramenti Pœnitentia materialibus, sive, ut amplius suam explicat mentem, de actionibus in homine Pœnitentiam agente necessariis, ut Absolutionem percipere, & cum DEO in gratiam redire possit; Evangelicis duas partes, videlicet, Contritionem & Fidem; Papæs autem tres, Contritionem cordis, Confessionem oris, Satisfactionem operis ad normam Synodi Tridentini statuentibus. Has ut Bellarminus post aliorum Ecclesiæ Doctorum authoritatem laudatam ex Augustino quoque ostendat, hoc Ejus testimonio ad Regi in Ps. 146. Plaltis verba: Qui sanat contritos corde; uritur: *sanat contritos corde, sanat confitentes, sanat seipso punientes.* Ubi perspicue audis tres veræ Pœnitentia partes, inquit Bellarminus. Quia autem non nescivit, quid ex Evangelicorum parte ad hoc Augustini & similia aliorum Ecclesiæ Doctorum testimonia soleat responderi, idè Chemnitii objectionem sibi non prætereundam esse duxit, quam verbis sequentibus proponit: *Vatert in*